

117

SOALAN NO. 54

PEMBERITAHUAN PERTANYAAN DEWAN RAKYAT

PERTANYAAN : LISAN

**DARIPADA : YANG BERHORMAT DATIN MASTURA BINTI
MOHD YAZID [KUALA KANGSAR]**

TARIKH : 4 APRIL 2018

SOALAN :

**YB Datin Mastura Binti Mohd Yazid [Kuala Kangsar] minta PERDANA
MENTERI menyatakan apakah usaha perdana CENDANA pada tahun 2018
ini.**

**JAWAPAN: YB DATO' SRI AZALINA BINTI OTHMAN SAID,
MENTERI DI JABATAN PERDANA MENTERI.**

Tuan Yang di-Pertua,

Untuk makluman Ahli Yang Berhormat, antara usaha-usaha perdana yang dijalankan oleh CENDANA tahun ini adalah program pembiayaan Dana Inkubasi Artis Baharu dan Dana Mobiliti untuk membantu penggiat seni kita dalam pembangunan dan pameran karya mereka serta projek Art In The City yang bakal memberi Kuala Lumpur pencitraan yang lebih kreatif dan berbudaya, di samping mempromosikan seni budaya kepada khalayak ramai. Selain itu, Global Cultural Forum juga akan diadakan untuk mengukuhkan lagi bandaraya Kuala Lumpur sebagai platform antarabangsa yang akan menampilkan nama-nama tersohor dalam pembangunan bandaraya seni budaya dan kreatif.

Malaysia kini dalam transformasi dari negara membangun ke negara maju. Justeru hal pembangunan, promosi seni budaya serta penambahbaikan dasar-dasar seni budaya bagi melonjakkan usaha penggiat seni budaya kita adalah matlamat strategi utama CENDANA. CENDANA ditubuhkan untuk mempromosikan negara dari segi *softpower* di persada antarabangsa serta berperanan seperti agensi-agensi negara lain seperti KOCCA dari Korea, National Arts Council of Singapore.

CENDANA dijangka akan memberikan impak positif kepada ekonomi negara dalam jangka masa panjang. Buat masa ini, CENDANA akan terlebih dahulu menumpukan bidang seni persembahan, seni visual dan muzik indie di

tempat-tempat awam berskala kecil dan sederhana (yakni kurang dari 500 orang). Ini merupakan sebahagian dari rancangan CENDANA untuk membina ekonomi seni budaya Malaysia yang boleh dikongsi bersama segenap lapisan masyarakat.

Sekian, terima kasih.